



Nakon žestokog obračuna kradljivaca vozila i policije na Ilidži

# Ranjene članove automafije u bolnici čuvaju policajci

Uhapšeni Savo Petričević odranije poznat po krađi šume i pucnjavama kao i uhapšeni M. Nj. i B. K. • Osumnjičeni, koji su djelovali u Sarajevu i BiH, bit će ispitani • Pokušali pobjeći policiji, koja im je napravila zamku

Dvojica članova automafije, koji su prekjucer u 20.30 sati na parkingu na Butmirskoj cesti u sarajevskoj općini Ilidža ranjeni u žestokom obračunu sa pripadnicima Ministarstva unutrašnjih poslova Kantona Sarajevo (MUP KS), do zaključenja ovog izdanja "Dnevnog avaza" nalazili su se u Univerzitetском kliničkom centru u Sarajevu (UKCS), gdje su pod stalnim nadzorom jakih policijskih snaga.

## Štitili živote

Kako su jučer potvrdili iz Tužilaštva BiH, postupajući tužilac, kada se steknu uvjeti, ispitat će osumnjičene, koji su zatečeni u pokušaju krađe vozila. Treći kradljivac vozila uhapšen je nalicu mjesta.

- Navedeni osumnjičeni pripadnici su organizirane kriminalne grupe, koja već duži vremenski period, prema operativnim i obavještaj-

nim saznanjima, djeluje u Sarajevu i BiH. Tužilaštvo BiH, u suradnji s Graničnom policijom, MUP-om KS i Državnom agencijom za istrage i zaštitu (SIPA), zbog postojanja elemenata međunarodnog i organiziranog kriminala, provodi intenzivne aktivnosti u borbi protiv grupe osumnjičenih pripadnika, koji vrše krađe, otuđenja, krivotvorenje dokumentacije i daljnu prodaju skupocjenih motornih vozila - saopćeno je jučer iz Tužilaštva BiH.

Kako "Dnevni avaz" saznaje, jedan od osumnjičenih je Savo Petričević iz Mokrog, odranije poznat istražiteljima, a i njegovi kompanjoni M. Nj. i B. K. su iz istog mjesta kod Pala, koji su kao i Savo poznati po šumskim krađama i učešću u pucnjavama.

Naš list saznaje i da je jedan od povrijeđenih pogođen u kičmu. Kako smo saznali iz UKCS-a, ljekari su pružili

pomoć trojici pacijenata, što govori da je tokom obračuna sa policijom povrijeđen i treći kradljivac.

Pripadnici SIPA-e jučer su na području Istočnog Sarajeva pretresli objekte na četiri lokacije. Pretresena je pokretna i nepokretna imovina osumnjičenih osoba. Prilikom pretresa privremeno su oduzeti predmeti koji mogu poslužiti kao dokazi u daljnjem postupku.

Kako je naš list već pisao, kradljivci su pokušali ukrasti skupocjeni BMW registarskih oznaka J89-M-202. No, nisu računali da će ih policija zateći. Drski kradljivci potom su otvorili vatru na policajce, koji su, štiteći vlastite živote, ekspresno uzvratili. Tokom vatrene obračuna ispaljeno je više hitaca s obje strane. Izvor blizak istrazi otkrio nam je da je ova grupa praćena te da se čekao njihov pogrešan potez, odnosno da budu zatečeni u izvršenju krivičnog

djela. Policajci su im napravili zamku. Ipak, automafijasi su pokušali pobjeći policiji. U prilog ovoj konstataciji idu i velika oštećenja na BMW-u, koji je skoro demoliran. Tokom uvida, koji je jučer obavljan, moglo se vidjeti da su prednja i zadnja šoferšajbna razbijene te ogrebotine i udubljenja s obje strane vozila. Nekoliko metara od vozila bio je vidljiv i prednji lijevi točak, koji je otpao s vozila.

## Pronađeni pištolji

Kada pljačkaši više nisu mogli bježati te kada ih je policija okružila, oni su otvorili vatru, ali su, na kraju, izvukli deblji kraj. Izvor blizak istrazi otkrio nam je da su policajci na mjestu događaja pronašli čak dva pištolja te više čahura. Istražitelji su pojedine dokaze, kako se moglo vidjeti na mjestu događaja, prekrili kartonima.

**A.KAPO**



Policija i jučer obavljala uvidaj: Vidljiva oštećenja na vozilu (Foto: A. Kuburović)



Obračun se dogodio prekijučer u 20.30 sati (Foto: S. Saletovic)

## Ko je Savo Petričević

Za Savom Petričevićem je krajem 2014. godine bila raspisana potjernica zbog sumnje da je počinio više krivičnih djela. U tom periodu čak je uspio pobjeći policiji. Iste godine njegovi poznanici Slaven D. i Tomislav P. napali su ga ispred porodične kuće. Tukli su ga pištoljem, na-

kon čega su ispalili nekoliko hitaca. Malo prije tog incidenta, Petričević je pucao u jednom ugostiteljskom objektu u Mokrom. Srećom, niko nije povrijeđen, ali je pricinjena materijalna šteta. Prema nezvaničnim informacijama, dovodio se u vezu i sa šumskim krađama.



Tokom obračuna sa policijom otpao točak s vozila

## Dnevno ukradu dva automobila

Iz Tužilaštva BiH jučer su naglasili da je, kada je riječ o krađi vozila, situacija alarmantna, naročito u prijestonici BiH.

- Godišnje se ukrade skoro 1.000 vozila ili više od dva vozila dnevno. Potreban je angažman svih

policijskih i pravosudnih struktura, a naročito s razine entiteta i kantona, u procesuiranju počinitelaca krivičnih djela koja nemaju elemente međunarodnog i organiziranog kriminala - saopćili su iz Tužilaštva BiH.



Istražitelji pojedine dokaze prekrili kartonima